

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Breviarium hominis christiani - Cod. Ettenheim-Münster 79**

**[S.l.], [18. Jahrh.]**

Caput IX.

[urn:nbn:de:bsz:31-108661](https://nbn-resolving.org/urn:nbn:de:bsz:31-108661)



<sup>lavit</sup>  
Jesus Christus diluit nos a peccatis nostris in  
sanguine suo.

V.

sed metuis fortasse, ne te hinc migrantem  
pana purgatorii excipiant. At istis quoque me-  
tus nimius deponendus est. omnino expedit  
tibi, ut resignes te totum Deo, sinasque eum faz-  
cere tecum, quod voluerit. Sicut diligis eius mi-  
sericordiam, ita diligas oportet et iustitiam ipsius,  
Pater est indulgentissimus, qui sive in hac vita,  
sive in purgatorio filios suos a peccatis et vi-  
tiis corde iam aversos, atque ad se conversos flagel-  
let, non nisi paterno affectu id facit. Nihil du-  
biles de tam amabilis Patris pietate. Quando  
iam illi placere vere desideras, ac tudes, dolesque,  
quod eum unquam offenderis: hinc te migrante  
non acerbe, sed benigne suscipiet, sinuque mi-  
sericordia sua confovebit. Etiam si ad purgatori-  
um deductus fueris, non carebis illic refrigerio  
et consolatione, certus de tua salute, ac futura  
beatitudine: gratiusque tibi erit ibi esse, quam  
hic, ubi multa occasiones offendendi Deum ha-  
bentur. Unde legimus, quemdam sanctum vi-  
rum hac aut similia verba dixisse: si pro com-  
perito haberem, me post mortem per venturum  
ad purgatorium: paratissimus essem mox colli  
gladio subicere, ut certus esse possem de mea  
salute.

Caput IX.

Homagia Deo in articulo mortis  
prestanda.

secun.  
inveni.  
bes, prop  
a cum  
atiam  
istolan  
merit  
s: accipi  
2 numer  
es de qu  
t: nihil  
sto Jan  
baban  
implora  
Christi,  
redime  
opalum  
m. Jan  
al chian  
al prop  
ificatio  
hariter  
d quom  
n suum  
Plem ista

6

l

4

77



## Actus adorationis.

Agnosco te, o mi Deus, ut supremum Domi-  
 num meum, primum principium et ultimū  
 finem, auctorem naturae, gratiae et gloriae, et pro-  
 fundissimā humilitate me tibi submitto, teq[ue]  
 adoro Dominum vitae et mortis. Vitam igitur,  
 quam mihi dedisti, et nunc a me repetis, li-  
 benter consigno in manus tuas, tibiq[ue] sacri-  
 ficio in unione sacrificii filii tui Domini  
 nostri I. Ch. in cruce peracti, et in unione  
 illius adorationis, quā ipsius humanitas, B.  
 V. omnesq[ue] sancti te adoraverunt in terrā, et  
 aeternū adorabunt in caelo.

## Actus fidei.

O mi Deus firmiter credo, ac profiteor fidem  
 illam, quam Christus docuit, quam predicarunt  
 Apostoli, quam S. Mater Ecclesia docet, totq[ue]  
 milliones martyrum suo sanguine obsigna-  
 runt: conforta, et conserva me Domine in hac  
 sanctā fide, in qua opitulante gratiā tuā,  
 quam suppliciter invoco, mori desidero.

## Actus spei.

Omnipotens et misericors Deus! spero per sa-  
 guinem, et merita Jesu Christi Domini N.  
 ab infinitā bonitate, ac misericordiā tuā re-  
 missionem omnium peccatorum meorum, qui-  
 bus te summum bonum meum heu! solēstā  
 graviter offendi! spero in te, o Deus cordis mei  
 unica spes, et consolatio mea! spero firmissime  
 me ab infinitā pietate tuā obtenturum omnia



ad salutem necessaria, gratiam copiosam, et glori-  
am sempiternam; quoniam tu es Domine spes  
mea altissimum posuisti refugium tuum.

Actus amoris.

Amo te, o amabilissime Deus, ex toto corde  
meo, amo te super omnia propter infinitam  
bonitatem tuam, et vellem, si possem, amare  
te illo amore, quo te amant omnes sancti  
B. V. et Jesus Christus Filius tuus, illaque char-  
itate, qua te ipsum infinite amas, et ex sinceris-  
simo tui amore doleo, quod te saepius offenderim, et  
quidquid unquam perpessus sum, vel patiar, om-  
ne illud propter amorem tuum offero gloriae tuae  
tibi totum me in holocaustum consecro, o Deus  
cordis mei, et pars mea Deus in aeternum.

Actus penitentiae.

O amantissime Deus, ego miserimus peccator  
coram infinita maiestate tua et bonitate  
prostratus corde contritus, et humiliatus confiteor,  
~~me reum~~ me reum laesa maiestatis tuae infini-  
tae, veniamque delictorum meorum supplex rogo.  
Delestor ex animo amore tui omnia peccata  
mea, quibus te benignissimum Deum meum  
usque in hanc horam saepius offendi. Ecce mi-  
Deus quot mihi adhuc supersunt respirationes,  
ac motus cordis mei, tot sint gemitus dolentis,  
ac penitentis animi mei.

Gratiarum actio.

O fons omnium bonorum, et gratiarum im-  
mensas tibi ago gratias pro innumeris bene-



ficus, quae mihi immerenti haecenus contulisti:  
in gratiarum actionem offers tibi omnes laudes  
et iubilationes, quas sancti tui dum in terra ceci-  
nerunt, tum in caelo in aeternum decantaturi  
sunt, ac praeterea ex novo amoris, et gratitudinis  
affectu me totum ac omnia mea tibi consecro.

Actus glorificationis.

Benedico te, laudo te, glorifico te o SS. Trini-  
tas, unus Deus! tibi soli laus, honor et glo-  
ria ab omni creatura nunc et semper. Gloria  
Patri, qui creavit me. Gloria Filio, qui rede-  
mit me. Gloria Spiritui Sancto, qui sancti-  
ficavit me: gloria Patri, qui me sustentavit  
per suam potentiam; gloria Filio, qui me  
gubernavit per suam sapientiam; gloria Spi-  
ritui Sancto, qui me sanctificavit per suum  
amorem. Benedicta sit Sancta et individua  
Trinitas nunc et semper et in secula seculorum,  
amen. Benedicite gentes et omnes creatura  
Deum nostrum, et auditam facite vocem lau-  
dis eius.

Actus confidentiae in meritis  
Iesu Christi.

Domine Deus meus, si quis sanctus maxime  
apud te meriti ultro mihi cederet ac donaret om-  
nia bona opera sua, orationes, sacrificia, ieiunia,  
flagellationes, penitentias, et lacrymas suas, quas  
omnes pro mea salute tibi offerret, ego utique eam  
bene sperarem, licet fuisset mortalium omnium  
sceleratissimus, quoniam impossibile foret, homi-



nem tam sanctum à te non exaudiri, totq[ue] eius -  
sancta opera frustrari.

Jam mi Deus ecce Jesus Christus filius tuus,  
Salvator meus omnia opera sua et quidquid boni  
egit à primo instanti conceptionis in Matris  
utero usq[ue] ad obitum in cruce mihi dedit suaq[ue] me-  
rita mea fecit, dicente Apostolo: proprio filio  
suo non pepercit Deus: Sed pro nobis omnib[us]  
tradidit illum, quomodo non etiam cum illò om-  
nia nobis donavit? Tot ergo ieiunia, orationes,  
labores, et lacrymæ Christi Jesu modo mea sunt.  
Tot verbera, tot flagra, tot vulnera Christimea  
nunc sunt merita; et quomodo poterit filius tan-  
torum meritorum perire? quomodo non inveniet  
gratiam coram oculis tuis o amantissime Deus?  
Ego itaq[ue] o piissime Deus tot pretiosa merita  
Domini mei Jesu Christi pro peccatis meis  
tibi offero hinc quasi veste nuptiali ornatus nunc  
coram te comparere volo. Et quomodo nunc mori  
formidarem, cum tibi o Pater misericordiarum  
infinitum meritorum thesaurum offerre valeam?  
Ergo suscipe me Domine secundum eloquium  
meum, et vivam, et non confundas me ab expecta-  
tione meâ.

### Caput X

Protestatio, oblatio, ac Resignatio  
in extremis faciendâ ac sæpius  
iteranda.

Ego N. N. moribundus peccator indignissimus,  
redemptus pretiosissimo sanguine Dominico  
Iri Jesu Christi protestor coram Deo omnipoten-  
ti, et totâ curiâ caelesti me credere omnia, quæcun-